



**BOSNIA AND HERCEGOVINA**  
MINISTRY OF FINANCE  
AND TREASURY

**CENTRALNA/SREDIŠNJA HARMONIZACIJSKA JEDINICA**  
**ЦЕНТРАЛНА ХАРМОНИЗАЦИЈСКА ЈЕДИНИЦА**

Broj: 03-1-16-8-117-1/23

Sarajevo, 31.3.2023. godine

Na osnovu člana 61. stav (2) Zakona o upravi („Službeni glasnik BiH“, br: 32/02, 102/09 i 72/17), čl. 33b. i 33f. stav (2) tačka b), a u vezi s članom 33i. stav (2) Zakona o finansiranju institucija Bosne i Hercegovine („Službeni glasnik BiH“, br: 61/04, 49/09, 42/12, 87/12, 32/13 i 38/22), direktor Centralne harmonizacijske jedinice Ministarstva finansija i trezora Bosne i Hercegovine, *donosi*

**PLAN I PROGRAM OBUKE IZ OBLASTI**  
**FINANSIJSKOG UPRAVLJANJA I KONTROLE U INSTITUCIJAMA**  
**BOSNE I HERCEGOVINE ZA 2023. GODINU**

**I OPĆI DIO**

**Član 1.**

- (1) Predmet Plana i programa obuke iz oblasti finansijskog upravljanja i kontrole u institucijama Bosne i Hercegovine za 2023. godinu (u daljnjem tekstu: Plan i program obuke) je stručna obuka: osoba zaduženih za finansijsko upravljanje i kontrolu, koordinatora za proces upravljanja rizicima, rukovodilaca nižeg i srednjeg nivoa rukovođenja u institucijama Bosne i Hercegovine, zaposlenih u institucijama BiH koji imaju ovlaštenja i odgovornosti za učešće u provođenju postupaka javnih nabavki, zaposlenih u institucijama BiH kojima su dodijeljena ovlaštenja za pristup *PIFC* aplikaciji, uključujući i druge zaposlene kojima rukovodilac institucije dodijeli ovlaštenja i odgovornosti za uspostavljanje i razvoj finansijskog upravljanja i kontrole, kao i zaposlene u organizacionim jedinicama za finansije i budžet.
- (2) Svrha Plana i programa obuke je upoznavanje osoba navedenih u stavu (1) sa:
- stepenom uspostavljanja sistema finansijskog upravljanja i kontrole u institucijama BiH,
  - planiranim mjerama za razvoj sistema finansijskog upravljanja i kontrole u institucijama BiH,

- aktivnostima koje je potrebno izvršiti u cilju realizacije zaključaka Vijeća ministara Bosne i Hercegovine i Parlamentarne skupštine Bosne i Hercegovine u vezi s Konsolidiranim godišnjim izvještajem o sistemu finansijskog upravljanja i kontrole u institucijama Bosne i Hercegovine za 2022. godinu,
- preporukama za unapređenje i razvoj sistema finansijskog upravljanja i kontrole koje je Centralna harmonizacijska jedinica Ministarstva finansija i trezora BiH (u daljnjem tekstu: CHJ MFiT BiH) dala u Konsolidiranom godišnjem izvještaju o sistemu finansijskog upravljanja i kontrole u institucijama Bosne i Hercegovine za 2022. godinu,
- mjerama i aktivnostima iz Operativnog godišnjeg akcionog plana Strategije razvoja sistema internih finansijskih kontrola u institucijama Bosne i Hercegovine za 2023. godinu i
- značajem realizacije preporuka iz revizorskih izvještaja Ureda za reviziju institucija Bosne i Hercegovine, a koje se odnose na unapređenje sistema internih kontrola u institucijama Bosne i Hercegovine.

## II PROGRAM OBUKE

### Član 2.

(1) Program obuke iz oblasti finansijskog upravljanja i kontrole za 2023. godinu sastoji se od četiri modula i to:

- Modul 1: Presentacija Konsolidiranog godišnjeg izvještaja o sistemu finansijskog upravljanja i kontrole u institucijama BiH za 2022. godinu i Operativnog godišnjeg akcionog plana Strategije razvoja sistema internih finansijskih kontrola u institucijama Bosne i Hercegovine za 2023. godinu s preporukama za unapređenje sistema finansijskog upravljanja i kontrole u institucijama Bosne i Hercegovine;
- Modul 2: Obuka o korištenju *PIFC* aplikacije;
- Modul 3: Uloga internih kontrola u primjeni posljednjih izmjena i dopuna Zakona o javnim nabavkama BiH i
- Modul 4: Instrukcije za izradu godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2023. godinu putem modula za finansijsko upravljanje i kontrolu u *PIFC* aplikaciji.

### Član 3.

(1) U okviru Modula 1, a uzimajući u obzir analizu godišnjih izvještaja o sistemu finansijskog upravljanja i kontrole u institucijama Bosne i Hercegovine, obukom će biti obuhvaćene sljedeće teme:

- analiza trenutnog stanja u oblasti finansijskog upravljanja i kontrole (FUK) u institucijama Bosne i Hercegovine,
- presentacija Konsolidiranog godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2022. godinu,

- prezentacija informacija o realizaciji Operativnog godišnjeg akcionog plana Strategije razvoja sistema internih finansijskih kontrola u institucijama Bosne i Hercegovine za 2022. godinu,
- prezentacija Operativnog godišnjeg akcionog plana za realizaciju Strategije razvoja sistema internih finansijskih kontrola u institucijama Bosne i Hercegovine za 2023. godinu i
- prezentacija preporuka CHJ MFiT BiH iz Konsolidiranog godišnjeg izvještaja o sistemu finansijskog upravljanja i kontrole u institucijama BiH za 2022. godinu.

(2) U okviru Modula 2, Plan i program obuke odnosi se na prezentiranje:

- općih informacija i funkcionalnosti *PIFC* aplikacije,
- registra rizika u *PIFC* aplikaciji,
- mape poslovnih procesa u *PIFC* aplikaciji,
- izvještaja o samoprocjeni u *PIFC* aplikaciji i
- funkcionalnosti *PENTAHO* za potrebe izvještavanja.

(3) U okviru Modula 3, Plan i program obuke odnosi se na:

- prezentaciju i tumačenje posljednjih izmjena Zakona o javnim nabavkama BiH,
- primjere najčešćih propusta ugovornih organa u primjeni Zakona o javnim nabavkama, a koji ukazuju na slabosti internih kontrola,
- identifikaciju rizika koji se odnose na namjerne/slučajne greške i nepravilnosti u provođenju procesa javnih nabavki i
- prezentaciju dobrih praksi s praktičnim primjerima.

(4) U okviru Modula 4, Plan i program obuke odnosi se na:

- upoznavanje osoba iz člana 1. ovog plana i programa s formom i sadržajem pitanja u obrascu godišnjeg izvještaja o sistemu finansijskog upravljanja i kontrole,
- prezentaciju funkcionalnosti *PIFC* aplikacije u modulu za FUK „Izvještaj samoprocjene“ i
- primjenu Pravilnika o izvještavanju o sistemu FUK-a u institucijama BiH.

#### **Član 4.**

- (1) Obuka za Modul 1 trajat će 2 (dva) školska sata i namijenjena je osobama zaduženim za finansijsko upravljanje i kontrolu, koordinatorima za proces upravljanja rizicima i drugim zaposlenim u institucijama Bosne i Hercegovine koje rukovodilac institucije zaduži za uspostavljanje i razvoj finansijskog upravljanja i kontrole. Modul 1. organizira se kao radni skup interaktivnog tipa. Realizacija prvog modula obuke planirana je za drugi kvartal 2023. godine.
- (2) Obuka za Modul 2 trajat će 2 (dva) školska sata. Modul 2 namijenjen je zaposlenim u instituciji koji su članovi radnih grupa za razvoj FUK-a u institucijama BiH, koji imaju dodijeljene pristupne podatke za korištenje *PIFC* aplikacije, a do sada nisu bili polaznici obuka o korištenju *PIFC* aplikacije. Realizacija drugog modula obuke planirana je za drugi kvartal 2023. godine.

- (3) Obuka za Modul 3 trajat će 6 (šest) školskih sati i namijenjena je zaposlenim u institucijama BiH koji imaju ovlaštenja i odgovornosti za učešće u provođenju postupaka javnih nabavki, pripremu i provođenje internih propisa u oblasti javnih nabavki. Realizacija drugog modula obuke planirana je za treći kvartal 2023. godine.
- (4) Obuka za Modul 4 trajat će 2 (dva) školska sata i namijenjena je svim zaposlenim u institucijama BiH koji su zaduženi za pripremu i dostavljanje godišnjih izvještaja o sistemu finansijskog upravljanja i kontrole u institucijama Bosne i Hercegovine kroz modul za FUK - Izvještaj samoprocjene u *PIFC* aplikaciji. Realizacija četvrtog modula obuke planirana je za četvrti kvartal 2023. godine

#### **Član 5.**

- (1) Na obukama je obavezno prisustvo minimalno jednog zaposlenog (polaznika obuke) iz svake institucije BiH.
- (2) Rukovodioci institucija vršit će izbor polaznika obuke iz svojih institucija u skladu s planovima stručnog usavršavanja i obučavanja zaposlenih i definiranjem ciljane grupe polaznika od strane CHJ MFiT BiH.

#### **Član 6.**

- (1) Polaznici obuke blagovremeno će biti obaviješteni o terminima, mjestu i načinu održavanja obuke.
- (2) Nakon realizacije Plana i programa obuke polaznici obuke dobijaju uvjerenje o završenoj obuci.
- (3) Uvjerenje o završenoj obuci izdaje CHJ MFiT BiH.

#### **Član 7.**

- (1) CHJ MFiT BiH će, u skladu s članom 31. Odluke o načinu provođenja obuke državnih službenika u institucijama Bosne i Hercegovine („Službeni glasnik BiH“, broj:15/17) dostaviti Agenciji za državnu službu BiH sve relevantne podatke u vezi s planiranim obukama radi utvrđivanja broja kredita.
- (2) CHJ MFiT BiH dostavit će polaznicima obuke informaciju Agencije za državnu službu BiH o utvrđenom broju dodijeljenih kredita za predmetnu obuku.

#### **Član 8.**

- (1) Obuke iz oblasti finansijskog upravljanja i kontrole vode instruktori iz CHJ MFiT BiH, koji su u okviru projekta Evropske unije „Jačanje upravljanja javnim finansijama“ obučeni za oblast finansijskog upravljanja i kontrole u institucijama Bosne i Hercegovine.
- (2) Izuzetno od stava (1) ovog člana, CHJ MFiT BiH može angažirati vanjske instruktore za specifična područja obuke koji su eksperti u tim oblastima.

#### **Član 9.**

Instruktori za finansijsko upravljanje i kontrolu dužni su:

- Pridržavati se sadržaja obuke i preporuka CHJ MFiT BiH i
- stručno, kvalitetno i profesionalno provesti obuku za koju su zaduženi.

## **Član 10.**

- (1) Vanjski instruktori za finansijsko upravljanje i kontrolu, angažirani u skladu s članom 8. stavom (2) Plana i programa obuke, imaju pravo na naknadu za svoj rad na obukama u iznosu od 50,00 KM za jedan školski sat, u skladu s članom 16. stav (1) tačka a) Odluke o načinu provođenja obuke državnih službenika u institucijama BiH.
- (2) CHJ MFiT BiH će sa svakim angažiranim vanjskim instruktorom zaključiti ugovor o djelu.
- (3) Sredstva za ove naknade osigurana su u budžetu CHJ MFiT BiH za 2023. godinu.

## **III PRELAZNE I ZAVRŠNE ODREDBE**

### **Član 11.**

- (1) Plan i program obuke za finansijsko upravljanje i kontrolu u institucijama BiH za 2023. godinu stupa na snagu danom donošenja.
- (2) Plan i program obuke za finansijsko upravljanje i kontrolu u institucijama BiH za 2023. godinu bit će objavljen na internet stranici CHJ MFiT BiH <https://chj.mft.gov.ba>, odnosno na internet stranici Ministarstva finansija i trezora BiH [www.mft.gov.ba](http://www.mft.gov.ba), u dijelu koji se odnosi na CHJ MFiT BiH.

**D I R E K T O R**

**Vladimir Stanimirović, s.r**

Dostaviti:

- internet stranica CHJ MFiT BiH,
- a/a.